



ORDENANZA REGULADORA DA TAXA POR INSTALACIÓN DE QUIOSCOS NA VÍA PÚBLICA (ESPACIO DOTACIONAL E ESPACIOS LIBRES DE NATUREZA PÚBLICA)

Artigo 1.- Concepto

De conformidade co previsto no artigo 58 en relación co artigo 20.3.m), ambos da Lei 39/1988, do 28 de decembro, reguladora das Facendas Locais, segundo a modificación establecida polo artigo 66 da Lei 25/1998, do 13 de xullo, de modificación do Réxime Legal das Taxas Estatais e Locais e de Reordenación das Prestacións Patrimoniais e de Carácter Público, este Concello establece a Taxa por utilizacións privativas ou aproveitamentos especiais do dominio público local por "instalación de quioscos na vía pública", especificando nas Tarifas contidas nos apartados 2 e 3 do artigo 3º seguinte, que se rexerá pola presente Ordenanza.

Artigo 2.- Obrigado ao pagamento

Están obrigados ao pagamento da taxa regulada nesta Ordenanza, as persoas ou entidades a favor das cales se outorguen as licenzas, ou quen se beneficie do aproveitamento, se se procedeu sen a oportuna autorización.

Artigo 3.- Contía

1. A contía da taxa regulada nesta Ordenanza, será a fixada na Tarifa contida no apartado seguinte, en función do tempo de duración do aproveitamento e da superficie a ocupación da cal queda autorizada en virtude da licenza, ou a realmente ocupada, se fose maior.
2. As tarifas da taxa serán as seguintes:
18,030363 euros/m² e mes
3. A contía establecida na tarifa anterior, será aplicada integramente aos 10 m² primeiros. Cada metro cadrado de exceso, sufrirá un recargo do 20 por 100.

Artigo 4.- Normas de xestión

1. A taxa regulada nesta Ordenanza é independente e compatible coa taxa por ocupación de terreos de uso público por mesas e cadeiras con finalidade lucrativa.
2. As cantidades esixibles de acordo coa tarifa, liquidaranse por cada aproveitamento solicitado ou realizado e serán irreducibles polos períodos de tempo sinalados.



CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

3. As persoas ou entidades interesadas na concesión de aproveitamentos regulados nesta Ordenanza deberán solicitar previamente a correspondente licenza, realizar o depósito previo a que se refire a correspondente licenza, realizar o depósito previo a que se refire o artigo seguinte e formular declaración na que conste a superficie do aproveitamento, acompañando un plan detallado da superficie que se pretende ocupar e da súa situación dentro do municipio.
4. Os servizos técnicos deste Concello comprobarán e investigarán as declaracións formuladas polos interesados, concedéndose as autorizacións de non encontraren diferenza coas peticións da licenza, se se desen diferenzas, notificaranse as mesmas aos interesados e xiraranse, de ser o caso, as liquidacións complementarias que procedan, concedéndose as autorizacións unha vez emendadas as diferenzas polos interesados e, de ser o caso, realizados os ingresos complementarios que procedan.
5. No caso de ser denegada a autorización, os interesados poderán solicitar do Concello a devolución do importe ingresado.
6. Non se concederá a ocupación da vía pública ata que se aboase o depósito previo a que se refire o art. 5-2 a) seguinte e se obtivese a correspondente licenza polos interesados. O incumprimento deste mandato poderá dar lugar á non concesión da licenza, sen prexuízo do pagamento da taxa e das sancións e recargas que procedan.
7. As autorizacións terán carácter persoal e non poderán ser cedidas ou subarrendadas a terceiros. O incumprimento deste mandato dará lugar á anulación da licenza.

Artigo 5. Obrigación de pagamento

1. A obrigación de pagamento da taxa regulada nesta Ordenanza nace:
 - a) Tratándose de concesións de novos aproveitamentos da vía pública, no momento de solicitar a correspondente licenza.
 - b) Tratándose de concesións de aproveitamentos xa autorizados, o día primeiro de cada un dos períodos naturais de tempo sinalados na Tarifa.
2. O pagamento da taxa realizarase:
 - a) Tratándose de concesións de novos aproveitamentos, por ingreso directo na Tesourería Municipal ou onde establece o Concello, pero sempre antes de retirar a correspondente licenza. Este ingreso terá carácter de depósito previo, de conformidade co disposto no artigo 26.1 a) da Lei 39/1988, do 28 de decembro, modificado pola Lei 25/1998, do 13 de xullo, quedando elevado a definitivo ó concederse a licenza correspondente.
 - b) Tratándose de concesións de aproveitamentos xa autorizados e prorrogados, unha vez incluídos nos padróns ou matrículas desta taxa, por



CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

trimestres naturais, nas oficinas da Recadación Municipal, desde o día 16 do primeiro do trimestre ata o día 15 do segundo mes.

Disposición final

A presente Ordenanza que consta de cinco artigos, entrará en vigor unha vez publicada no Boletín Oficial da Provincia e transcorrese o prazo a que se refire o artigo 70.2 en relación co 65.2 da Lei 7/1985, do 2 de abril, Reguladora das Bases do Réxime Local, e comezará a aplicarse a partir do día un de xaneiro de mil novecentos noventa e nove, permanecendo en vigor ata a súa modificación ou derogación expresa.

